

اتوار 3 مئی، 2020ء

مضمون۔ ہمیشہ دی سزا

سنہری متن: امثال 28 باب 13 آیت

”جیہڑا اپنے پاپاں نوں لکوندا اے کامیاب نہ ہووے گا پر جیہڑا اوہناں دا اقرار کر کے اوہناں نوں چھڈ دیندا اے اوہدے اُتے رحمت ہووے گی۔“

جوابی پڑھائی: زبور 25:1، 2، 5، 8، 11، 18، 16 آیتاں

- 1- اے خداوند! میں اپنی جان تیرے ول چکناواں۔
- 2- اے میرے رب! میں تیرے اُتے بھروسہ کیتا۔ مینوں شرمندہ نہ ہوون دے۔ میرے دشمن میرے اُتے خوش نہ ہوون۔
- 5- مینوں اپنی سچائی اُتے ٹورتے تعلیم دے۔ کیوں جے تُوں میرا مکتی دین والا رب ایں۔ میں سارا دن تیری ای اڈیک وچ رہناواں۔
- 8- خداوند نیک تے راست اے۔ ایس لئی اوہ پاپی نوں سدھی راہ دی تعلیم دیوے گا۔

- 11- اے خداوند اپنے ناں دی خاطر میری بدکاری معاف کر دے کیوں جے اوہ وڈھی اے۔
- 16- میرے دل دھیان کرتے میرے اُتے رحم کر کیوں جے میں بے کس تے مصیبت زدہ واں۔
- 18- توں میری مصیبت تے جانفشانی نوں ویکھ تے میرے سارے پاپ معاف فرما۔

درسی وعظ

بائبل وچوں

1- 2 سیموئیل 12 باب 1 توں 10، 13، 24 (بیتِ شہیاہ) (بڈھی نوں)، 24 (پیدا ہوئی)، 29، 30 آیتاں

1- تے خداوند نے داؤد نوں ناتن دے کول گھلیا۔ اوہنے اوہدے کول آکے آکھیا کسے شہر وچ دو بندے سی اک امیر دو جاغریب۔

2- اوس امیر دے کول بوہت سارے ریوڑ تے گلے سی۔

3- پر اوس غریب دے کول اک بھید دی پٹھی دے علاوہ کجھ نہیں سی جنہوں اوہنے خرید کے پالیا سی تے اوہ اوہدے تے اوہدے بال بچیاں دے نال وڈھی ہوئی سی۔ اوہ اوہدے ای روٹی وچوں کھاندی تے اوہدے پیالے وچوں پیندی تے اوہدی جھولی وچ سوندی سی تے اوہدے لئی دھی وانگر سی۔

4- تے اوس امیر ول کوئی مسافر آیا۔ ایس لئی اوہنے اوس مسافر لئی جیہڑا اوہدے ول آ یا سی پکاون لئی اپنے ریوڑ تے گلے وچوں کجھ نہ لیا بلکہ اوس غریب دی بھید لے لئی تے ایس بندے لئی جیہڑا اوہدے ول آ یا سی پکائی۔

5- فیر داؤد دا غضب اوس بندے اُتے بوہت زیادہ بھڑکیا۔ تے اوہنے ناتن نوں آکھیا خداوند دی حیاتی دی قسم پئی اوہ بندہ قتل دے لائق اے۔

6- ایس لئی اوس بندے نوں اوس بھید دا چار گنا بھرنا پوے گا کیوں جے اوہنے اجیہا کم کیتا تے اوہنوں ترس نہ آیا۔

7- فیر ناتن نے داؤد نوں آکھیا اوہ بندہ توں ای ایس۔ خداوند اسرائیل دارب ایچ آکھدا اے پی میں تینوں مسح کر کے اسرائیل دا بادشاہ بنایا تے میں تینوں ساؤل دے ہتھوں چھڑایا۔

8- تے میں تیرے آقا دا گھر تینوں دتا تے تیرے آقا دیاں بڈھیاں تیری جھولی وچ کر دتیاں تے اسرائیل تے یہوداہ دا گھر انہ تینوں دے دتا تے جے ایہہ سارا کجھ تھوڑا سی تے میں تینوں ہور شیواں وی دے دیندا۔

9- ایس لئی توں کیوں خداوند دی گل دی تحقیر کر کے اوہدے سامنے بدی کیتی؟ توں حتی اوریاہ نوں تلوار نال ماریا تے اوہدی بڈھی لے لئی تاں جو اوہ تیری بڈھی بنے تے اوہنوں بنی عمون دی تلوار نال قتل کروایا۔

10- ایس لئی ہن تیرے گھرتوں تلوار کدی دکھ نہ ہووے گی کیوں جے توں مینوں حقیر جانیا تے حتی وریاہ دی بڈھی لے لئی تاں جو اوہ تیری بڈھی ہووے۔

13- فیر داؤد نے ناتن نوں آکھیا میں خداوند دا پاپ کیتا۔ ناتن نے آکھیا خداوند نے وی تیرا پاپ بخشیا۔ توں مریں گائیں۔

24- اوہدی بڈھی بیت سبب۔۔۔ دے اک پتر ہو یا اوہنے اوہداناں سلیمان رکھیا تے اوہ خداوند دا پیارا ہو یا۔

29- فیر داؤد نے سارے لوکاں نوں جمع کیتا تے ربه توں گیا تے اوہدے نال لڑیا تے اوہنوں لے لیا۔

30۔ تے اوہنے اوہناں دے بادشاہ دا تاج اوہدے سرتوں لاء لیا۔ اوہ دا وزن سونے دا اک قنطار سی تے اوہدے
وچ ہیرے جڑے ہوئے سی۔ ایس لئی اوہ دا دودے سرتے رکھیا گیا تے اوس شہرتوں لٹ دا بوہت سارا مال
کڈھ لیا۔

2۔ 51 زبور 1 توں 4، 6، 10، 12 آیتاں

1۔ اے خداوند اپنی شفقت دے مطابق میرے اُتے رحم کر۔ اپنی رحمت دی کثرت دے مطابق میریاں
خطاواں مٹادے۔

2۔ میری بریائی نوں میتھوں دھودے تے میرے پاپ توں مینوں پاک کر۔

3۔ کیوں جے میں اپنیاں خطاواں نوں من داواں۔ تے میرا پاپ ہمیشہ میرے سامنے اے۔

4۔ میں صرف تیرا ای پاپ کیتا اے۔ تے اوہ کم کیتا اے جیہڑا تیری نظر وچ بھیڑا اے۔ تاں جو توں اپنیاں
گلاں وچ راست ٹھہریں۔ تے اپنی عدالت وچ بے عیب رہویں۔

6۔ ویکھ توں باطن دی سچائی پسند کردا ایں۔ تے باطن وچ مینوں ای عقل سکھانویں گا۔

7۔ زونے نال مینوں صاف کرتے میں ہونواں گا۔ مینوں دھوتے میں برف توں بوہتا چٹا ہونواں گا۔

8۔ مینوں خوشی تے خرمی دی خبر سناتاں جو اوہ ہڈیاں جیہڑیاں توں توڑ دیتیاں نیں شادمان ہون۔

9۔ میرے پاپاں و لوں اپنا منہ پھیر۔ تے میریاں ساریاں بدکاریاں مٹادے۔

10۔ اے رب میرے اندر پاک دل پیدا کرتے میرے اندر نوے سرے توں مستقیم روح پاءدے۔

12۔ اپنی مکتی دی شادمانی مینوں فیر عنایت کرتے مستعد روح نال مینوں سنبھال۔

3۔ لوقا 19 باب 1 توں 10 آیتاں

- 1۔ اوہ پر یجو وچ وڑھ کے جارنیا سی۔
- 2۔ تے ویکھو زکائی ناں دا اک بندہ سی جیہڑا محصول لین والیاں دا سردار تے دولت مند سی۔
- 3۔ اوہ یسوع نوں ویکھن دی کوشش کرداسی پر جتھے دے پاروں ویکھ نہیں سکداسی۔ ایس لئی پئی اوہ اقد چھوٹا سی۔
- 4۔ ایس لئی اوہنوں ویکھن لئی آگے نس کے اک گولر دے زکھ اُتے چڑھ گیا کیوں جے اوہ اوہ سے راہ توں جان نوں سی۔
- 5۔ جدوں یسوع اوس تھاں تے اُپڑیا تے اُتے نظر کر کے اوہنوں آکھیا اے زکائی چھیتی اتر آ کیوں جے آج مینوں تیرے گھر رہنا ضرور اے۔
- 6۔ اوہ چھیتی اتر کے خوشی نال اوہنوں اپنے گھر لے گیا۔
- 7۔ جدوں لوکاں نے ایہہ ویکھیا تے سارے بڑ بڑا کے آکھن لگے ایہہ تے اک پاپی بندے دول جا اتریا۔
- 8۔ تے زکائی نے کھلو کے خداوند نوں آکھیا اے خداوند ویکھ میں اپنا آدھامال غریباں نوں دینا واں تے جے کسے دا کجھ نہ حق لے لیا اے تے اوہنوں چار گنلاد اکرداں واں۔
- 9۔ یسوع نے اوہنوں آکھیا آج ایس گھر وچ مکتی آئی اے۔ ایس لئی پئی ایہہ وی ابرہام دا پتر اے۔

10- کیوں بے آدم دہتر گواچے ہوئیاں نوں لبھن تے مکتی دین آیاے۔

4- 2 تواریخ 7 باب 14 آیت

14- فیر بے میرے لوک جیہڑے میرے ناں توں اکھواندے نیں خاکسار بن کے دعا کرن تے میرے ناں دے طالب ہوون تے اپنیاں بُریاں راہواں توں پھرن تے میں آسمان اتوں سُن کے اوہناں دا پاپ معاف کراں گاتے اوہناں دے ملک نوں بحال کراں گا۔

5- 2 تواریخ 30 باب 9 (کیوں بے) آیت

9-۔۔۔ کیوں بے خداوند تہاڈا رب رحیم و غفور اے تے بے تسی اوہدے ول پھرتے اوہ تہاڈے توں اپنا منہ پھیر نہ لوے گا۔

6- یہوداہ 24، 25 آیتاں

24- ہن جیہڑا تہانوں ٹھوکر کھان توں بچا سکدا اے تے اپنے پر جلال حضور وچ کمال خوشی دے نال بے عیب کر کے کھڑا کر سکدا اے۔

25۔ اوس کئے رب داجیہڑا ساڈا مکتی دین والا اے جلال تے عظمت تے اختیار ساڈے خداوند یسوع مسیح دے پاروں جیویں شروع توں اے ہن وی ہووے تے ہمیشہ تیکر رہوے۔ آمین۔

سائنس تے صحت

1۔ 30:35 صرف

محبت دامنونہ پاپی دی اصلاح اے۔

2۔ 4-31:10

کیہ تسی پاپ نوں سزا دین لئی نہیں بلکہ رحیم بن لئی سیان منگدے او؟ تے ”تسی غلط منگدے او“۔ سزا دے بغیر پاپ ودھے گا۔ یسوع دی دعا، ”ساڈے قرض ساہنوں بخش“ نے معافی دی اصطلاح دی وضاحت کیتی۔ جدوں زنا کار عورت نوں اوہنے آکھیا، ”جاتے فیر پاپ نہ کریں“۔

3۔ 9:497 (ہم)۔ 12

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

اسی پاپ دی بربادی تے اوس روحانی فہم وچ رب دی معافی نوں قبول کر دے آں جیہڑا بریائی نوں غیر اصلیت دے طور تے باہر کڈ دا اے۔ پر پاپ اُتے یقین اوہدوں تیکر سزا پاند اے جدوں تیکر ایہہ یقین ختم نہیں ہو جاندا۔

4- 28-22:5

دعا نوں پاپ نوں ختم کرن لئی اعتراف دے طور تے نہیں ورتیا جانا چاہیدا۔ اجیہی غلطی سچے مذہب نوں روکے گی۔ پاپ صرف اوہدوں معاف ہووے گا جدوں ایہنوں مسیح، سچائی تے حیاتی دے پاروں برباد کیتا جاوے گا۔ جے دعائیں یقین نوں طاقت بخشدی اے پئی پاپ مک گیا اے، تے ایہہ پئی انسان صرف دعا کرن نال چنگا بن گیا اے، تے دعا اک بریائی اے۔ اوہ بندہ ہو رہا ہندا جاندا اے جیہڑا پاپ نوں ایس لئی جاری رکھدا اے کیوں جے اوہ اپنے آپ نوں معاف کیتا گیا خیال کردار ہندا اے۔

5- 6-3:5

غلط کم توں شرمندگی اصلاح ول پہلا قدم اے پر ایہہ قدم بوہت آسان اے۔ عقل دے پاروں جیہڑا اگلاتے وڈھا قدم چکن دی لوڑا اے اوہ وفاداری والی آزمائش اے، یعنی اصلاح۔

6-1:357 -6

عام انصاف و بچ ساہنوں ایہہ مننا چاہیدا اے پئی رب انسان نوں اوہدے لئی سزائیں دیوے گا جیہڑا کرن دے قابل رب نے انسان نوں پیدا کیتا سی، تے اوہ شروع توں جان داسی پئی انسان ایہہ کرے گا۔ رب ”دیاں اکھیاں اجیسیاں پاک نیں پئی اوہ بدی نوں نئیں ویکھ سکدیاں۔“ اسی جھوٹ نوں قبول کرن نال نئیں بلکہ رد کرن نال سچائی و ش قائم رہندے آں۔

22-17:4 -7

صرف ایہہ آکھن نال پئی اسی رب نال محبت کردے آں ساہنوں رب نال محبت نئیں ہو جاوے گی؛ بلکہ چنگے تے پاک تر ہون دی خواہش نال، تے روزدی ہوشیاری تے الہی کردار و بچ ہو جذب ہون دی کوشش کرن نال اسی اپنے آپ نوں نویں انسانیت و بچ تبدیل کراں گے تے ڈھالاں گے۔ جد تیکر پئی اسی اوہدی شبیہ و بچ بیدار نئیں ہو جاندا۔

14-1:242 -8

معانی، روحانی بہتسمہ تے نئی پیدائش دے راہیں انسان اپنے لافانی عقیدیاں تے جھوٹی انفرادیت نوں لا کے سٹ دیندے نیں۔ ایہہ بس ویلے دی گل اے پئی ”نکے توں لے کے وڈھے تیکر سارے مینوں (رب

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تحریراں نال بنیاں۔

نوں) جانن گے۔ “مادے دے دعویاں توں انکار خوشی دی روح ول انسان دی آزادی تے بدن اُتے اخیری فتح
ول اک وڈھا قدم اے۔

اسمان اُتے جان دی کئی راہ ہم آہنگی اے تے مسیح الٰہی سائنس وچ ساہنوں ایہہ راہ دکھاؤند اے۔ ایہہ مطلب
رب، چنگیائی تے اوہدے پرچھانویں توں علاوہ کسے ہور حقیقت نوں نہ جاننا، حیاتی دے کسے ہور ضمیر نوں نہ جاننا
اے، تے نال دے ای درد تے خوشی والے احساساں توں اُچا ہونا ایں۔

9 404:10-16، 19-21 (اگلا صفحہ)

شہوت، بُغض تے ہر طراں دی بدی بہار بندے دے عقیدے نیں، تے تسی ایہناں نوں بس اوہناں بدکار
مقصد اں نوں مکاؤندے ہوئے تباہ کر سکدے او جنہاں توں ایہہ جہدے نیں۔ جے کسے معاف کیتی ہوئی
انسان سیان وچوں بدی تک گئی اے، حانا لکھ ایہدے اثر پلے وی اوس بندے اُتے ہون گے، تے تسی ایس بے
ترتیبی نوں مکا سکدے او جیویں رب دی شریعت پوری ہو جان دی اے تے اصلاح جرم نوں مکا دیندی اے۔
صحتمند پاپی سخت ترین پاپی ہندا اے۔

ایہہ احساس پئی پاپ وچ اصل خوشی نیں اے، کر سچن سائنس دی الہیات دے ساریاں توں اہم نمکتیاں
وچوں اک اے۔ پاپ دے ایس نویں تے اصل منظر نوں پاپی دے سامنے لیاؤ، اوہدے اُتے ظاہر کرو پئی
پاپ کوئی سکون نیں دیندا، تے ایہہ علم اوہدی اخلاقی ہمت نوں مضبوط کردا اے تے بریائی اُتے جت حاصل
کرن تے چنگیائی نال محبت کرن دی اوہدی قابلیت نوں ودھا دیندا اے۔

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تفسیراں نال بنیا اے۔

بیماروں شفا دینا تے پاپی دی اصطلاح کرنا کر سچن سائنس وچ اک ای گل اے۔ دونویں شفاواں لئی اک ای طریقے دی لوڑ ہندی اے تے دونویں سچائی وچ غیر منفق نیں۔ نفرت، حسد بے ایمانی، ڈرتے اجیہیاں دو جیاں شیواں انسان نوں بیمار بناؤندیاں نیں تے جدوں تیکر ایہہ بدن وچ ذہنی طور تے اپنے آپ نوں چنگا نہیں بناؤند انہ مادی دوائیاں نہ ای سیان مستقل طور تے اوہدی مدد کر سکدی اے، تے اینج اوہنوں اوہدے برباد کرن والیاں توں محفوظ رکھدی اے۔ بنیادی غلطی فانی سیان اے۔ نفرت ظالمانہ خواہشاں نوں بھڑکاؤندی اے۔ برے ارادے تے مقاصد کسے وی اجیہے انسان نوں جیہڑا اینج قسم دی جو انمر دی توں اُتے ہووے، اک مصیبت زدہ مایوس انسان بناؤندے نیں۔

کر سچن سائنس انسان نوں خواہشاں دمالک بن، شفقت دے نال نفرت نوں اک تعطل وچ روکن، پاکیزگی دے نال شہوت اُتے، خیرات دے نال بدلے اُتے فتح پان تے ایمانداری دے نال فریب اُتے قابو پان دا حکم دیندی اے۔ جے تسی صحت، خوشی تے کامیابی دے خلاف سازشیاں دی اک فوج نہیں لیا ناچاندے تے ایہناں غلطیاں نوں شروع والے مرحلیاں وچ ای ضائع کر دیو۔ ایہہ تہانوں غلطی دے خلاف سچے منصف، ثالثی دے کول لیاون گے۔ منصف تہانوں انصاف تیکر لے جاوے گا، تے اخلاقی قانون دی سزا فانی سیان تے بدن اُتے صادر کیتی جاوے گی۔ اوہدوں تیکر دونواں نوں ہتھکڑی لاء دتی جاوے گی جدوں تیکر دو جی ادا نیگی نہیں ہووے گی، جدوں تیکر رب دے نال تہاڈا اکاؤنٹ برابر نہیں ہووے گا۔ ”بندہ جو کجھ بیچ دا اے اوہ ای وڈے گا۔“ نیک انسان آخری پاپ اُتے فتح پاوے گا۔ ایہہ پاپ دی لوڑا اے پئی ایہہ اپنے آپ نوں برباد کرے۔ لافانی انسان رب، چنگیائی دی حکمرانی ظاہر کر دا اے، جیدے مقابلے پاپ وچ کوئی طاقت نہیں اے۔

10 - 19-11:339

اک پاپی نوں ایس اصلیت توں حوصلہ نہیں مل سکدا اپنی سائنس بریائی دی غیر اصلیت نوں ظاہر کر دی اے، کیوں جے پاپی بریائی دی اصلیت نوں سنواردا اے، اوس شے نوں اصلی بناؤندا اے جیہڑی اصلی نہیں اے، تے ایچ، ”قہر دے دن لئی غضب“ اکٹھا کردا اے۔ اوہ اپنے خلاف اک ہولناک غیر اصلیت وچ جاگن دے خلاف سازش وچ رل جاندا اے، جیدے نال اوہ دھوکہ کھاند اے۔ بس اوہ لوک جیہڑے پاپ توں توبہ کردے تے غیر اصلیت نوں ترک کردے نیں، اوہ ای بریائی دی غیر اصلیت نوں پورے طور تے سمجھ سکدے نیں۔

11- 17:6 صرف، 18-22

”رب محبت اے۔“

ایہہ فرض کرنا پئی جیویں رب دارحم مطلوب یا غیر مطلوب ہندا اے اوہدے مطابق ای رب پاپ نوں معاف کردایا سزا دیندا اے، ایہہ پیار دی غلط سمجھ اے تے ایہہ اپنے غلط اعمال لئی دعانوں حفاظتی در بناؤن دے برابر اے۔

12- 16-12:4

ہمیشہ چنگے بنے رہن دی عادی کوشش ہمیشہ دعا اے۔ اوہدے مقصد اوہناں برکتاں توں ظاہر ہندے نیں
جیہڑیاں ایہہ لیاوندی اے، اوہ برکتاں جنہاں نوں جے ناقابل سماعت لفظاں وچ وی نہ سُنیا جاوے، تے محبت
دے نال حصہ دار بنن لئی ساڈی قابلیت دی تصدیق کردیاں نیں۔

13 - 5-3:6

الہی محبت انسان دی اصلاح کردی تے اوہدے اُتے حکمرانی کردی اے۔ انسان معافی منگ سکدے نیں پر
صرف الہی اصول ای پاپی دی اصلاح کردا اے۔

روزانہ دے فرض

میری بیکریڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے
پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار
نوں ودھاوے، تے اوہناں اُتے حکومت کرے۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میری بیکریڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھریاں نال بنیا اے۔

چرچ مینوٹیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کرداے، تے اک مسیحی سائنسدان پاپ نوں رد کردیاں ہوئے، سُنجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دااے۔ ایس چرچ دے سارے رکن اں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔